



Broj:KSI-17-24/23

Datum: 09.02.2023. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta BiH“ broj:04/21) i člana 25. stav (2) Poslovnika o radu Komisije za odlučivanje o sukobu interesa („Službeni glasnik Brčko distrikta BiH“ broj 19/21), Komisija za odlučivanje o sukobu interesa, postupajući po anonimnoj prijavi od 02.02.2023. godine protiv M. S., poslanika u Skupštini Brčko distrikta Bosne i Hercegovine na 46. sjednici, održanoj dana 09.02.2023. godine, donosi

ODLUKU

Postupak za odlučivanje o sukobu interesa protiv M. S., poslanika u Skupštini Brčko distrikta Bosne i Hercegovine, kao nosioca javne funkcije neće se pokrenuti, obzirom da iz prikupljenih podataka ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta BiH.

Образложење

Komisija je dana 02.02.2023. godine pod brojem: KSI-17-24/23 zaprimila anonimnu prijavu o sukobu interesa protiv M. S.

U predmetnoj prijavi se navodi da M. S. obavlja funkciju poslanika u Skupštini Brčko distrikta Bosne i Hercegovine, dok njen suprug istovremeno obnaša funkciju direktora JU III Osnovne škole Brčko, te se od Komisije za odlučivanje o sukobu interesa traži da utvrdi sve relevantne činjenice i ukoliko se utvrdi postojanje sukoba interesa primjene mjere i eventualno sankcije prema navedenom nosiocu javne funkcije.

Članom 2. tačka c) Zakona o sprečavanju sukoba interesa u institucijama Brčko distrikta BiH propisano je da je nosilac javne funkcije izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano. Komisija je uvidom u Registar javnih funkcija, nosilaca javne funkcije, imovine nosilaca javne funkcije i poklona, utvrdila da M. S. obnaša funkciju poslanika u Skupštini Brčko distrikta BiH, uvjerenjem Centralne izborne komisije BiH, broj:06-1-07-01-2103-2-3188/20 od 15.12.2020. godine. M. S. kao nosilac javne funkcije obavezan je postupati u skladu s odredbama Zakona o sprečavanju sukoba interesa u institucijama Brčko distrikta BiH.

Članom 5. stav (1) Zakona o sprečavanju sukoba interesa u institucijama Brčko distrikta BiH propisano je da nosilac javne funkcije obavlja samo jednu javnu funkcije.

Nadalje, istim članom stavom (3) propisano je da članstvo u organima upravljanja, nadzora i rukovođenja u pravnim licima koja su osnovana od strane organa i institucija na bilo kojem nivou vlasti u BiH, nespojivo je sa obavljanjem javne funkcije, dok je stavom (8) istog člana propisano da

je obavljanje javne funkcije nespojivo ako je član uže porodice nosioca javne funkcije član organa iz stava 5 ovog člana.

Na osnovu prikupljenih podataka, Komisija za odlučivanje o sukobu interesa utvrdila je da M. S., poslanik u Skupštini Brčko distrikta BiH, kao nosilac javne funkcije **nije u sukobu interesa**, odnosno u istovremenom obavljanju javne funkcije M. S., poslanika u Skupštini Brčko distrikta BiH i V. S., bračnog druga nosioca javne funkcije, kao direktora JU III Osnovne škole Brčko distrikta BiH, ne postoje povrede odredaba Zakona o sprečavanju sukoba interesa u institucijama Brčko distrikta BiH, obzirom da poslanik u Skupštini Brčko distrikta BiH jeste izabrano lice u organima i institucijama Brčko distrikta BiH, ali da bračni drug nosioca javne funkcije nije član organa upravljanja, nadzora i rukovođenja u pravnim licima osnovanim od strane organa i institucija na bilo kojem nivou vlasti u BiH, te samim time proizilazi da ne postoji nespojivost funkcija shodno članu 5. stav (5), a u vezi sa stavom (8) istog člana Zakona o sprečavanju sukoba interesa u institucijama Brčko distrikta BiH.

Slijedom navedenoga, Komisija je donijela odluku kao u dispozitivu odluke.

POUKA O PRAVNOM LIJEKU:

Protiv ove Odluke nije dozvoljena žalba, ali se može pokrenuti upravni spor Osnovnom sudu Brčko distrikta BiH u roku od 30 dana od dana prijema Odluke.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

1. Anonimnom podnosiocu
- putem oglasne ploče,
2. Evidenciji i
3. Arhivi.